



**Fidoyilik –  
Vatanga xizmat demak!**

# Zarafshon

www.zarnews.uz  
https://www.facebook.com/zarnews.uz  
@zarnews\_uz  
https://twitter.com/zarnews\_uz

**Кун ҳикмати**

Орзу-  
ҳавасингизни  
ҳадеб пеш  
қилаверманг,  
аввало унга  
эришажак  
имкониятингизни  
баҳолаб кўринг

1913-yil aprel oyidan chiqa boshlagan

E-mail: zarafshong@mail.uz



Сайтимизга ўтиш учун QR-коднинг телефонингиз орқали сканер қилинг

2021-yil 4-fevral, payshanba, 14 (23.450)-son



## ПОКИСТОНЛИК ЁШЛАР САМАРҚАНД ТИББИЁТ ИНСТИТУТИДА ЎҚИЯПТИ

**Кеча вилоят ҳокимлигида Ўзбекистон Республикаси Бош вазири ўринбосари А.Абдуҳакимов Покистон Ислон Республикаси Бош вазининг маслаҳатчиси Абдул Раззоқ Довуд бошчилигидаги делегация билан учрашди.**

Сўхбат чоғида меҳмонларга вилоятимизнинг инвестицион жозибадорлиги, туризм салоҳияти, медицина ва фармацевтика йўналишидаги имкониятлари ҳақида маълумот берилди. Юк ташиш ва авиақатновларни ривожлантириш, икки мамлакат ишбилармонлари ўртасидаги манфаатли ҳамкорликни кучайтириш, олий таълим муассасалари ўртасида ўзаро тажриба алмашинувларни йўлга қўйиш юзасидан фикрлашиб олинди.

Хусусан, олий таълим бўйича ҳамкорлик натижасида бугунги кунда Самарқанд давлат тиббиёт институтида 130 нафар покистонлик талаба халқаро стандартлар даражасида тахсил олаётгани таъкидланди. Яқин орада Покистон Ислон Республикасидан яна 120 нафар талаба ва 10 нафар профессор-ўқитувчи Самарқандга келиши маълум қилинди.

Учрашувдан сўнг меҳмонлар Имом Бухорий мажмуасини зиёрат қилди. Покистонликларга

мазкур муқаддас қадамжо тарихи, мажмуани яна ҳам обод қилиш мақсадида ишлаб чиқилган лойиҳалар ҳақида ҳам батафсил маълумот берилди.

Имом Бухорий илмий-тадқиқот маркази фаолияти ва бу ердаги музей билан танишув ҳам делегация аъзоларида катта таассурот қолдирди.

Покистон Ислон Республикаси Бош вазининг маслаҳатчиси бошчилигидаги меҳмонлар Самарқанднинг бошқа тарихий-маданий ёдгорликлари билан ҳам танишди.

**А.ИСРОИЛОВ.**

## Қоратепа-Омонқўтон тоғ туризми кластери ташкил этилади

Бугун дунёнинг кўплаб мамлакатлари иқтисодиётида туризм етакчи тармоққа айланиб бормоқда. Юртимизда ҳам кейинги йилларда ушбу йўналишга катта эътибор қаратилиб, халқаро стандартларга мос сайёҳлик инфратузилмаси яратиш, хизматлар бозорини кенгайтириш мақсадида истиқболли лойиҳалар амалга оширилмоқда. Бу борада вилоятимизда олиб борилаётган ишлар ҳам бугун ўз самарасини берапти. Самарқандга келаётган ва келиш истагида бўлган сайёҳлар сони йил сайин ошаётгани ҳам фикримизни тасдиқлайди. Афсуски, коронавирус пандемияси сабаб қарийб бир йилдан буён бу истакнинг амалга ошиши қийин кечмоқда.

Аммо соҳани ривожлантириш борасидаги ишлар тўхтаб қолгани йўқ. Маълумотларга кўра, вилоятда туризм соҳасини янада ривожлантириш мақсадида 2020 йил давомида умумий қиймати 306,6 миллиард сўмлик 74 та инвестиция лойиҳалари амалга оширилди, 763 нафар янги иш ўринлари яратилди. Жумладан, 17 та меҳмонхона, 29 та оилавий меҳмон уйи, 3 та хостел, "туризм қишлоғи", "туризм кўчаси", 9 та экотуризм маскани ташкил этилди.

Бу ишлар жорий йилда яна ҳам кенг кўламли давом этади. 2021-2022 йилларда вилоятимизда маҳаллий ва хорижий ташаббускорлар томонидан жами қиймати 3 триллион 337 миллиард сўм бўлган 126 та лойиҳани амалга ошириш ҳамда 3000 дан ортқ янги иш ўрни яратилиши бўйича манзилли рўйхат шакллантирилган. Бу лойиҳаларнинг салмоқли қисми жорий

йилда амалга оширилади. Мисол учун, тарихи Амир Темур даврига бориб тақалладиган Самарқанд шаҳридаги Боғибаланд маҳалласи "туристик маҳалла"га, Ургут туманидаги Терсак қишлоғи эса "туризм қишлоғи"га айлантирилади. Самарқанд шаҳридаги Алишер Навоий ва Ислон Каримов кўчалари ҳамда 3000 дан ортқ янги иш ўрни яратиш мақсадида Самарқанд шаҳри маркази, темирйўл вокзали, аэропорт ва автовокзалларда туризм бекатлари ташкил этилади. Самарқанд темирйўл вокзалида шундай бекат фаолият бошлади.

Сайёҳларнинг белгиланган туризм манзилларига қулай, хавфсиз ҳамда юқори сифатли сервис хизматлари кўрсатилган ҳолда етиб боришлари, эркин сайёҳларга қулайлик яратиш мақсадида Самарқанд шаҳри маркази, темирйўл вокзали, аэропорт ва автовокзалларда туризм бекатлари ташкил этилади. Самарқанд темирйўл вокзалида шундай бекат фаолият бошлади.



“Утган йил республикамиздаги илк туризм қишлоғига айлантирилган Самарқанд туманидаги "Кониғил туризм қишлоғи" да бу йил иккинчи босқичда қурилиш-бунёдкорлик ишлари амалга оширилди. Ҳозирда бу ерда 92 та туристик объект ва хизмат кўрсатиш нуқталари ташкил этиш бўйича амалий ишлар бошланди. Умумий узунлиги 2,2 километр, майдони 7,1 гектар бўлган ҳудуд танлаб олинди. Ушбу ҳудуд потларга ажратилган ҳолда хунарманд ва тадбиркорларга тақдим этилади.

Самарқанд эшак эшиш канали атрофида ташкил этилаётган туристик марказдан Кониғил туризм қишлоғи бўйлаб Регистон майдонига бўлган ҳудудда пиёдалар

йўлаги ва велейўлақлар ташкил этиш кўзда тутилган. Бу ҳам маҳаллий аҳоли ва сайёҳлар учун катта қулайлик бўлади.

Самарқанд шаҳри Боғибаланд маҳалласи ҳудудида Хўжа Исҳоқи Вали масжиди мавжуд. Ушбу тарихий масканни яна ҳам обод қилиш ва сайёҳлик объектлари қаторига қўшиш мақсадида Хўжа Исҳоқи Вали зиёратгоҳи барпо этилади.

Бугунги мураккаб шароитда кўрсатиш нуқталари ташкил этиш бўйича амалий ишлар бошланди. Умумий узунлиги 2,2 километр, майдони 7,1 гектар бўлган ҳудуд танлаб олинди. Ушбу ҳудуд потларга ажратилган ҳолда хунарманд ва тадбиркорларга тақдим этилади.

**Дилшод НАРЗИҚУЛОВ,**  
вилоят туризми  
ривожлантириш  
департаменти бошлиғи.

## АЛИШЕР НАВОИЙ

**Самарқандда қайси мадрасада таълим олганини биласизми?**

**Самарқанд шаҳридаги Вобкент кўчасида бир масжид-мажмуа жойлашган. Бу қадамжо X асрда яшаган буюк олим, ҳидоят имоми Фақиҳ Абу Лайс номи билан аталади. Бу ҳудудда XIV-XV асрларда аллома авлодидан бўлган Хожа Жалолиддин Фазлуллоҳ Абу Лайсийнинг мадрасаси, масжид ва хонақоҳи бўлган.**

- Мадраса бузилиб кетиб, бизгача етиб келмаган, - дейди масжид ноиб имоми Аҳмад Ҳасанов. - Фақат масжиднинг пойдевори ва Фазлуллоҳ Абу Лайсийнинг қабри сақланиб қолган. XIX асрда масжид асл кўринишида қайта қурилган ва кейинги йилларда мажмуада таъмирлаш ишлари амалга оширилди.

- Ҳазрат Алишер Навоий 1464-1469 йилларда, айни йигитлик даврини Самарқандда ўтказган, - дейди Самарқанд давлат университети ўқитувчиси, филология фанлари бўйича фалсафа доктори Алишер Раззоқов. - У бу ердаги мадрасада Фазлуллоҳ Абу Лайсийдан ислом шариати, яъни фикҳ илми бўйича таълим олган. Навоий "Мажолис ун-нафоис" асарига бу зотни улғулаб ёзди. Гарчи, бу асар ижодкорлар таъкираси бўлса-да, олим Фазлуллоҳ Абу Лайсий



шеърятга ҳам алоқадор инсон эканлиги ва ўзи устозига фарзандлик даражасида турганлигини алоҳида тилга олади. Бу тахсил шоирнинг ҳаёти ва ижодига, хусусан, ислом шариатига бағишланган "Сирож ул-муслимин" асарининг ёзилишида муҳим аҳамиятга эга бўлган.

Алишер Навоий таълим олган ҳудудда жойлашган тарихий мажмуада буюк мутафаккир таваллудининг 580 йиллигига бағишлаб

хотира лавҳаси ўрнатилиши режалаштирилган.

- Бу самарқандлик навоийшунос олимлар ва ижодкорларнинг кўнглидаги гап бўлди, - дейди А.Раззоқов. - Ҳазрат Навоий Самарқандда бўлган даврида айнан қайси ҳудудда яшаб ижод қилганлигини шу пайтгача кўпчилик билмас эди. Бу ташаббус унинг хотирасига бўлган хурмат ифодасидир.

**Тўлқин СИДДИҚОВ.**

## Гидрометеорология –

об-ҳаво башоратигина эмас

**Давлатимиз раҳбари мазкур хизмат муҳокамаси бўйича ўтказган йиғилишида Самарқанд вилоятида раҳбарлик қилган йилларини ёдга олди: "Эсингиздами, Одил Мирзаев ҳар тонг қабулимга маълумотлари билан келиб турарди", деди раҳбарлардан бирига.**

▶ **ПРЕЗИДЕНТ МЕНИ НЕГА ЭСЛАДИ?**

Йўқ, бу ерда гап мен ҳақимда эмас. Соҳанинг жамият ҳаётида тутган ўрни ҳақида кетаётгани. Негаки, ўша пайтда Ш.Мирзиёев вилоятнинг биринчи раҳбари сифатида деярли барча ишларни гидрометеорологик маълумотлар асосида ташкил қилишга ҳаракат қиларди. Йиғилишда бунини хотирлашдан мақсад гидрометеорологиянинг ўрни ва аҳамиятини аниқ ҳаётий мисолларда очиб беришдан иборат эди.

Тўғри, бугун гидрометеорология хизматининг моддий-техник базаси эскирган. Аммо ўша 2000 йилларда мавжуд усқунлар асосида тайёрланган маълумотлар кўпгина соҳалар фаолиятида муҳим аҳамият касб этганди.

Мисол учун, қишлоқ хўжалиги экинлари, жумладан, чигитни ерга қадаш учун тупроқда белгиланган намлик, об-ҳаво ҳарорати керак. У қайси ҳудудда қачон бўлади? Бу гидрометеорологик маълумотларда акс этади. Шу маълумотлар асосида иш ташкил қилиниши ортқча овозгарчиликларга ўрин қолдирмайди. Қолаверса, сифат ва самара ортқшига хизмат қилади.

Айтилган муддатда чигит экилмагач, гўза униб чиқиши қийинлашади, ҳосилдорлик



камайд. Тупроқда намлик меъёри бўлса-ю, об-ҳаво ҳарорати меъёридагидек бўлмаса ёки аксинча бўлса яна гидрометеорология маълумотларига қараларди.

Бир сўз билан айтганда, президентимиз бугун аксарият мамлакатларда катта пулга олинган, бизда эса қарийб текин бериладиган гидрометеорология хизматининг қадри тушиб кетганига алоҳида эътибор қаратди.

2-саҳифа >>>

## «Британча штамм» Самарқандга кириб келмадими?

Самарқандда коронавируснинг «британча штамми» аниқланмадими? Унинг кириб келиши эҳтимоли юқори бўлган айни кунларда мазкур ҳолатнинг олдини олиш мақсадида қандай ишлар амалга оширилмоқда? Бу ҳақда вилоят санитария-эпидемиологик сойишталлик ва жамоат саломатлиги бошқармаси бошлиғи Адхам БАҲРОМОВ кўйидагиларни гапириб берди:

- Самарқанд халқаро аэропорти ва темирйўл вокзали орқали вилоятимизга хориждан кириб келаётган фуқаролардан коронавирусга қарши тест таҳлили олинди, 20 дақиқа ичида онлайн тарзда фуқароларга намуна натижалари тақдим этилмоқда.

Шунингдек, улар 10 кунлик уй тиббий назоратига олиниб, тиббиёт ходимлари томонидан кунлик назорат ишлари олиб борилаётган.

Хорижий давлатлардан келган фуқароларда коронавирус инфекцияси аниқланган тақдирда зудлик билан

жойида алоҳидаланиб, махсус даволаш муассасасига тез тиббий ёрдам машинасида олиб кетилиши йўлга қўйилган.

Таълим муассасаларидаги синфхоналар тез-тез шамоллатилиб, дезинфекция тадбирлари олиб борилиши устидан қатъий назорат ўрнатилган.

Самарқанд вилоятида хозирча коронавируснинг «британча штамми» аниқланмади.



Мамлакатимизда кейинги тўрт йилда суд-ҳуқуқ соҳаси изчиллик билан ислоҳ қилинмоқда. Йиллар давомида ечим топмаган муаммолари масалаларни ҳал қилиш борасида ўндан ортиқ фармон ва қарорлар қабул қилинди.



# Суд тизимида НИМАЛАР ЎЗГАРДИ?

Илгари фуқаролик, иқтисодий ва жиноий ишлар бўйича учта алоҳида вилоят судлари фаолият кўрсатарди. Эндиликда улар битта суд сифатида бирлаштирилди. Битта вилоят суди раиси ва унинг фуқаролик, иқтисодий ва жиноят ишлари бўйича ўринбосарлари лавозими жорий этилди.

Ҳар бир ишни судда кўриш фуқаролар учун ҳам, суд ходимлари учун ҳам катта ташвиш. Баъзида арзимаган ёки асослари етарли бўлмаган ишлар учун ойлаб ишлашга тўғри келади. Шунинг учун эндиликда суд мухокамасига қадар ишларни судда дастлабки эшитиш амалиёти йўлга қўйилди. Бундан ташқари ишнинг ҳақиқатини тугатишга асос етарли бўлса, суднинг ўзи якуний қарор қабул қилади. Бу орқали ходимлар ҳам, судьялар ҳам асоссиз, енгил-елпи ишларга чалғимамай, ўз ишини пухта бажаради, суд қарорларининг сифати ошади.

Албатта, суд қарорлари қонунийлиги, асослилиги ва адолатлилиги энг муҳим масалалардан бири. Шу боис, суд қарорларини қайта кўриб чиқишнинг амалдаги тизими такомиллаштирилмоқда. Жумладан, 2017 йилга қадар олти та суд инстанциясида суд қарорлари қайта кўриб чиқилган бўлса, мана уч йилдирки, бу инстанциялар сони тўрттага келтирилди. Қайд этиш ўринлики, шу пайтгача вилоят судлари чиқарган қарор устидан берилган шикоятлар шу судларнинг ўзидан кўриб чиқилар эди. Шунинг учун низоляр, овозрагарчиликлар давом этарди.

Давлатимиз раҳбарининг 2020 йил 24 июлдаги "Судлар фаолиятини янада такомиллаштириш ва одил судлов самарадорлигини оширишга доир қўшимча чора-тадбирлар тўғрисида"ги фармонида асосан суд қарорларини қайта кўриб чиқиш тартиби илғор хорижий тажрибадан келиб чиққан ҳолда такомиллаштирилди. Яъни, одил судловга эришиш имкониятларини кенгайтириш мақсадида апелляция ва кассация инстанциялари ислоҳ қилиниб, назорат тартибидан иш юритиш институти бекор қилинди.

Маъмурий жавобгарлик тўғрисидаги, Маъмурий суд ишларини юритиш тўғрисидаги ҳамда жиноят, иқтисодий ва фуқаролик процессуал кодексларига ўзгартиш ва қўшимчалар киритилди. Натжидада суд ишларини кўриб чиқишда бир-бирини такрорловчи инстанциялар бекор қилиниб, "бир суд - бир инстанция" тамойили жорий этилди. Яъни, халқаро стандартларга мос равишда уч босқичли - биринчи инстанция, апелляция, кассация инстанция суд тизими яратилди.

Биринчи инстанция суд тизими асосан шахар ва туман судлари, айрим тоифадаги мураккаб ишлар бўйича вилоят судларини иборат бўлади. Апелляция инстанцияси вилоят даражасидаги, кассация инстанцияси Олий суд судьялари томонидан кўриб чиқилади.

Самарқанд шаҳридаги кўп қаватли уйларида истиқомат қилувчи фуқаролар томонидан ижтимоий тармоқларда тарқалаётган мурожаатларда уйларидаги лифтларнинг ишламаётганига хусусидаги хабарлар кўпайиб бормоқда. Айниқса, янги қурилиб фойдаланишга топширилган кўп қаватли уйлarning базалиридаги лифтлар ҳам турли техник нуқсонлар сабабли ишламаётганлиги таъкидланмоқда.

Бугунги кунда шаҳарнинг Рудакий кўчасидаги 107, 175, 175 А, 175 Б, 187, 97, 92 А, 78, 149, 21 Б, Гагарин кўчасидаги 60 А, 60 Б, 29, Нарпай кўчасидаги 77, Туркистон кўчасидаги 169, Бедил кўчасидаги 18, Юсуф Ҳамдоний кўчаси 40 А, 40 Б каби кўп қаватли уй-жойларнинг қурилиш-монтаж ишлари якунланиб, Давлат қабул комиссияси ҳамда вилоят қурилишни назорат қилиш инспекция томонидан фойдаланишга қабул қилинган. Бирок бу уйлари қурувчилар томонидан фойдаланишга топширилганига қарамадан, 70 та лифт ускуналарида қатор камчилик ва бутловчи қисмлари йўқлиги сабабли ишламаётди.

Бошқача айтганда, апелляция инстанцияси суди қонуний кучга кирмаган суд қарорлари устидан берилган шикоятларни, кассация инстанцияси суди апелляция инстанциясида кўриб чиқилган ишларни қайта кўриши белгиланди.

Бу ўзгартиришлар фуқароларнинг ортиқча овозрагарчиликларининг олдини олади, одил судловга эришиш имкониятларини кенгайтиришга, суднинг чинакам мустақиллигини, тарафларнинг судда тортишувчанлик ва тенглиги тамойилини тўлиқ таъминлашга, пировадидида, қонун устуворлиги ва одил судлов самарадорлиги бўйича халқаро рейтингларда мамлакатимиз нуфузи ошишига хизмат қилади.

Сир эмас, ҳар бир инвестор жамиятимиз равнақи учун муҳим. Чунки, у маблағ олиб келади, корхона яратади, одамларни иш билан таъминлайди, иқтисодиётга фойда келтиради. Лекин улар шу пайтгача юртимизда низоляр вужудга келганда сарсон бўлиб, ўз ҳақ-ҳуқуқларини етарли ҳимоя қилолмас эди. Шу боис, инвесторлар ҳуқуқларини муносиб ҳимоя қилиш мақсадида Олий судда инвестициявий низоляр ва рақобатга оид ишларни кўриш бўйича махсус судлов таркиби ташкил этилди.

Инвестициявий низоляр бўйича йирик инвесторнинг, рақобатга оид ишлар бўйича тарафларнинг хоҳишига кўра, бевосита Олий суд, қолган инвестициявий низоляр инвесторнинг хоҳишига кўра, Қорақалпоғистон Республикаси вилоятлар ва Тошкент шаҳар судлари томонидан биринчи инстанция суди сифатида кўрилади.

Яъни, йирик инвесторнинг инвестиция фаолияти билан боғлиқ даъволари, шунингдек, товар ва молия бозорларидаги рақобат соҳасидаги муносабатлардан келиб чиқадиган даъволари жавобгар жойлашган ердаги туман (шаҳар), туманлараро иқтисодий судга ёки тўғридан-тўғри Олий судга тақдим этилиши мумкин.

Бу янгилик юртимизда қонун устуворлигига ишончни орттириб, инвесторлар оқими ошишига катта туртки бўлади.

Бундан ташқари, маъмурий ҳуқуқбўзарликлар тўғрисидаги ишларни кўриб чиқиш ваколати ҳам жиноят ишлари бўйича судларга ўтказилди. Маъмурий ва бошқа оммавий ҳуқуқий муносабатлардан келиб чиқадиган ишлар туманлараро маъмурий судларда кўрилади. Шу муносабат билан туман (шаҳар) маъмурий судлари тугатилди. Бирок Қорақалпоғистон Республикаси, вилоятлар ва Тошкент шаҳар маъмурий судлари сақлаб қолинади.

Мазкур ислохотлар жамиятда қонун устуворлигини, одил судловни таъминлаш, фуқаролар ҳуқуқ ва манфаатларининг ишончли ҳимоя қилиниши, пировадидида халқни рози қилишга қаратилган.

Олим ҲАЙИТОВ, вилоят судининг раиси.

# Гидрометеорология – об-ҳаво башоратигина эмас

(Давоми. Бошланиши 1-саҳифада).

## ҲАР КИМ ОБ-ҲАВОГА ҚИЗИҚАДИ. АММО...

Эътибор қилганмисиз, дехқон ҳам, чўпон ҳам осмонга қарайди. Об-ҳавонинг авзойи унинг ишини, келгусида даромадини белгилайди.

Аслида, гидрометеорология хизмати нафақат қишлоқ ҳўжалиги, шу билан бирга энергетика, транспорт ва экология каби бир қанча соҳалар учун жуда муҳим. Мисол учун, бирон бинога пойдевор қуриш учун ҳам об-ҳаво маълумоти керак. Чунки у ёгингарчиликсиз ўтган 20-25 кунда қуриса мустаҳкам бўлади.

Соҳадаги 45 йиллик фаолиятимдан бунга юзлаб мисоллар келтиришим мумкин. Масалан, 2008 йилгача тоғларда қанча қор борлиги, биринчи вегетация даврида вилоятимизга қанча сув келишини гидрогеологларимиз билан ўрганиб келардик.

Умуман, гидрологлар ҳар бир сой, Зарафшоннинг ҳар бир ирмоғи бўйича маълумот йиғиб, сувни қаерда қанча сарфлаш мумкинлигини айтиб беради.

Агрометеорологлар тупроқнинг ҳарорати, намлигини ўлчайди. Бугун Қўшработ, Каттакўрғон, Оқдарё, Нуробод туманлари ва Самарқанд шаҳрида агрометеорологик станция ва бўлимлар бор. Кеч кузгача ўсимликнинг ривожланиш жараёнини кузатиб, олинадиган ҳосилни прогност қилиб беради. Аниқроғи, ўсиб чиққандан ривожланиш фазаси тўғри кетяптими, йўқми каби саволларга жавоб беради.

Улар хатто лалми жойлардаги яйловларда қанча ўт, қанча микдорда ўсишигача маълумот қилиб бера олади. Афсуски, йиллар давомида эътибор берилмагани оқибатида соҳанинг бу каби муҳим йўналишлари замондан орқада қолиб кетди.

## МОДДИЙ-ТЕХНИК БАЗА ЕТАРЛИМИ?

Йиғилишда бу масалага президентимиз алоҳида эътибор қаратди. Моддий-техник базани кучайтириш бўйича тегишли топшириқлар берилди.

Бир қарашда оддий туюлган масаланинг замирида шу юрт, шу халқ учун қуюнчақлик ётганини ҳамма ҳам тушунавермайди. Негаки, саноат ривожлангани сайин ер усти сувлари ва ҳавонинг ифлосланиши кузатилади. Аммо уни олдиндан ким аниқлайди? Табиийки, гидрометеорология хизмати.

Бугун Тойлоқ тумани Равотхўжа маҳалласи, Фарҳод шаҳарчаси ва Каттакўрғон туманида Зарафшон дарёси суви ўлчанади. Тупроқ таркиби йилда икки марта таҳлил қилинади. Об-ҳавонинг тозаллиги бўйича Самарқанд шаҳрида 4 та постимиз бор. Ҳар кун уч маҳал лаборатория таҳлиллари ўтказилади. Шу орқали қайси ҳудудда қайси бир химикат кўтарилаётгани ҳақида маълумотлар жамланади. Масалан, ҳозир ҳавонинг энг кўп ифлосланиши автотранспорт воситаларидан чиқаётган газлар билан боғлиқ.

Давлатимиз раҳбари халқаро стандарт бўйича қаралса, юртимиз ҳудудида 4 мингта станция бўлиши зарурлигини, амалда эса 335 тагина борлигини қайд этди. Демак, уларнинг сони янада кўпайтирилади.

Қувонтирадигани шуки, 2022 йилда Самарқандда захира маълумотларни йиғиш, қайта ишлаш ва сақлаш бўйича минтақавий хаб ташкил қилиш ҳақида кўрсатма берилди. Умуман олганда, Жаҳон метеорология ташкилотининг минтақавий маркази ҳисобланадиган Ўзгидрометнинг мақомини сақлаб қолиш учун нимаики керак бўлса, қилинадиган бўлди.



## УСКУНАЛАРНИ КИМ ИШЛАТАДИ?

Собик иттифоқ даврида Одесса ва Санкт-Петербургда соҳа учун олий маълумотли кадрлар тайёрланарди. Кейинчалик Миллий университетда бўлим очилди.

Билдирган таклифларимиз асосида Самарқанд давлат университети география факультетида соҳа учун кадрлар тайёрлаш йўлга қўйилди. Гидрометеорология кафедраси бор. Аммо бу бугунги талабга жавоб бермайди. Негаки, СамДУда ҳар йили 25 нафар талаба қабул қилинади. Буни кўпайтириш бўйича таклиф берганмиз. Ҳеч бўлмаганда сиртки йўналишда кадрлар тайёрлашни йўлга қўйиш чоралари кўрилмоқда. Келгуси ўқув йилидан бу гоа амалга ошади, деган умиддамиз.

Бугунги кунда Озарбайжоннинг Боку давлат университети СамДУнинг гидрометеорология факультети ўртасида ҳамкорлик ўрнатилган. Ўтган йили пандемия сабабли талабалар ал-машининг имкони бўлмади. Аммо карантин талаблари юмшагач, қардошларимизни нафақат осори-атикаларимиз, балки табиат ва рельефимиз билан таништирамиз.

Президентимиз ташаббуси билан янги давлат муқофоти – "Ўзбекистонда хизмат кўрсатган гидрометеоролог" фахрий унвони жорий қилинаётгани соҳа ходимларига бўлган юксак эътибор, гамхўрлик намунаси бўлди.

Одил МИРЗАЕВ, гидрометеорология фахрийси.



## «Бугуннинг гапи»

Телевизорда Ўзбекистон Ёзувчилар уюшмаси аъзоси, шоира Зулфия Мўминованинг суҳбатини эшитиб қолдим. Шоира Президентимизнинг маънавият-маърифат тўғрисида ўтказган селектор йиғилишидаги танқидий фикрлари бўйича тўлқинланиб гапирдики, ундан таъсирланмасликнинг иложи йўқ.

# Маънавиятнинг баҳоси

- Ёшлар китобдан кўра телефонни афзал билапти, - деди шоира. - Бундай шароитда маънавият-маърифат хусусида қандай гапириш мумкин. Мана, юртимиздаги ёш келин-куёвларнинг ажримига назар солинг. Бариди бир хил гап. Оилавий етишмовчилик, қайнонаси билан келишимаслик. Агар бу оилалар билан суҳбатлашиб кўрсангиз, маънавият-маърифат тўғрисида умуман тушунчаси йўқ. Алишер Навоий, Абдулла Қодирийларни айтиб кўринг, "У ким?" дейдиганлари бор.

Шоира опанинг гапларида жон бор. Маънавият-маърифат бўлмаган хонадонда фарзанд тарбиялаш жуда қийин кечади.

Худудингиздаги ахборот кутубхона марказини биласизми?

Фарзандига китоб сотиб олиб беришга қурби етмаётган ота-оналар ҳеч бўлмаса, шу марказларга олиб борар.

- Марказимизда саккиз мингга яқин китоб бор, - дейди Пайариқ ахборот-кутубхона маркази ходими Ҳалима Очилова. - Китобхоналаримиз 800 нафардан зиёд. Лекин биз хоҳлардикки, биздаги китоблардан кўпроқ ёшлар фойдалансин. Турли хилдаги қизиқарли китобларимиз бор. Уларни ўқиган киши сеҳрланиб қолади. Фақат ўқишга иштиёқ бўлиши керак.

Фарзандимизга бир миллион сўмлик телефон олиб берамиз, ўн минг сўмлик китоб олишига оғринамиз. Тўғри, ҳамма бир хил эмас. Фарзандини китоб билан таъминлаётганлар ҳам бор. Лекин булар жуда озчиликни ташкил этияпти-да.

Китоб ўқиган боладан ёмонлик чиқмайди. Келинг, фарзандимизга телефон эмас, китоб совға қилайлик. Икtidорини, истеъдодини намойиш этишига кўмаклашайлик.

Ҳусниддин ХОЛДОРОВ.

# Кексалар пенсия ва ойлик олади, ёшлар эса ишсиз

Авалло, айтиб кўя. Мен ҳам пенсия ёшидаги инсонман. 40 йиллик педагогик стажим бор. Лекин ҳозир ишлама-япман, пенсиядаман.

Челақдаги поликлиникаларида кексайиб қолган бўлса-да, ишлаётган врачларни кўраман. Тўғри, ҳозир мактаб ва бошқа ташкилотларда ҳам бундай ходимлар кўп. Чунки давлатимиз пенсияерларга ишласа маошини ҳам, пенсияни ҳам тўлиқ олиш учун имконият яратиб қўйди. Бундан хурсанд бўлиш керак. Аммо бу имтиёзни суистеъмол қилмаслик керак-да.

Майли, мутахассис етишмаса, кадрларга эҳтиёж катта бўлса, пенсияерларнинг ишлаб тургани маъқул. Лекин бугун кўплай ёшлар

олий ўқув юртларини битириб ёки сиртки, кечки таълим шаклиларида ўқиб мутахассис бўляпти. Диплом олганлари ҳам кўпчилиги иш тополмапти. Мана шундай пайтда пенсиядаги ходимдан кўра, ёшларни ишлатиш керак эмасми? Айримлар "ёшларда тажриба йўқ", дейиши мумкин. Пенсиядагилар ҳам тажриба билан ишга келмаган-ку, ишлаб тажриба орттирган. Ёшларга имконият берилса, улар ҳам тез орада малакали мутахассис бўлишига шубҳа йўқ.

Барот ХОЛМУРОДОВ, Пайариқ тумани.

## ЭНГ КЎП ДОН ПАСТ ДАРҒОМДА ЕТИШТИРИЛГАН

2020 йилда вилоятимизда ишлаб чиқарилган қишлоқ ҳўжалик махсулотларининг ҳажми 17 353,3 миллиард сўмни ёки 2019 йилга нисбатан 103,7 фоизни ташкил этди.

Ўтган йилда барча тоифадаги ҳўжаликларда 813 минг тонна дон (2019 йилга нисбатан 7,5 фоизга кўп) ишлаб чиқарилди.

Худудлар бўйича олиб қарайдиган бўлсақ, энг кўп донли экинлар Паст Дарғом туманида – 117,9 минг тонна етиштирилган.

Вилоят статистика бошқармаси ахборот хизмати.

# «ЎЛИП» этиб олиб чиқадиган ЛИФТЛАРИМИЗ

йўқ-да

Самарқанд шаҳридаги кўп қаватли уйларида истиқомат қилувчи фуқаролар томонидан ижтимоий тармоқларда тарқалаётган мурожаатларда уйларидаги лифтларнинг ишламаётганига хусусидаги хабарлар кўпайиб бормоқда. Айниқса, янги қурилиб фойдаланишга топширилган кўп қаватли уйлarning базалиридаги лифтлар ҳам турли техник нуқсонлар сабабли ишламаётганлиги таъкидланмоқда.

Ишлатила бошлаганига эндигина 2-3 йил бўлган янги кўп қаватли уйларидаги лифтларнинг носозлигига нима сабаб бўляпти? Ёки, уларга берилган техник эксплуатация сертификати сохтами? Аҳолининг лифтларга техник хизмат кўрсатувчи ширкатлар устидан шикоятлари кўплигининг сабаби нимада?

- Ижтимоий тармоқларда тарқалаётган, шунингдек, Президент ва вилоят ҳокимининг виртуал қабулхоналари орқали келиб тушаётган мурожаатларни ўрганишга ҳаракат қилганмиз, - дейди вилоят уй-жой коммунал хизмат кўрсатиш бошқармаси бошлиғи Баҳоидир Негматов. - Самарқанд шаҳрида 1979-1990 йилларда қурилган 77 та кўп қаватли уйдаги 227 та лифт ускунасининг фойдаланиш мuddати ўтиб бўлганлиги сабабли 2017 йилда уларнинг 110-120 тасигина ишлаётган эди. Ўтган икки йил ичида «Самарқанд вилоятини ободонлаштириш ва фаровонлигини ошириш» жамғармаси маблағлари ҳисобидан 76 та лифтни янгилаш мақсадида 14 миллиард 464 миллион сўм маблағ сарфланди. Шунингдек, Хитой, Жанубий Корея ва Туркия давлатларидан 76 та янги лифт ускуналари келтириб ўрнатилди.

Бошқарма техник мутахассислари томонидан шаҳардаги барча кўп қаватли уйларидаги лифтлар техник кўридан ўтказилиб, жами 140 та лифт жорий ва муқаммал таъмирланди. Жумладан, 52 та лифтининг асосий электро-двигатели, 34 та лифтининг эшикчи техник ёпиш ускуналари, 20 тасининг трансформатори, 16 тасининг трослари алмаштирилди. Кўрилган техник чоралар натижасида 210 та лифт ускунаси тўлиқ ишга туширилди.

2019 йилда Қорасув массивида қурилган янги кўп қаватли уй-жойларда 90 та, 2020 йилда эса 40 та янги лифт ускуналари ўрнатилиб, жами лифтлар сони 357 тага етди. Аммо 70 дан ортиқ лифт ускунасининг тегишли техник ҳужжатлари ва сертификатлари йўқлиги сабабли хавфсизлик нуқтаи назаридан фойдаланишга қабул қилинмаган. Шунингдек, маънан эскирган 155 та лифтни таъмирлаш ёки янгисига алмаштириш мақсадида 29 миллиард 450 миллион сўм ажратиш тўғрисида таклиф берилган.

Лифтларнинг техник созлиги ва инсон ҳаёти учун хавфсизлиги таъминланиши керак. Бунинг учун уларни ўрнатувчи корхоналар



лицензияланган бўлиши керак. "Саноатгеоконтехназорат" давлат қўмитаси томонидан лифт ускуналарининг сертификатланиши ва тегишли ҳужжатларни тақдим этилиши белгиланган.

- Уйимизнинг фойдаланишга топширилганига кўп ўтмасдан лифтларимизда турли носозликлар бошланган эди, - дейди Қорасув массивида яшовчилардан бири. - Баъзида икки-уч кунлаб ишламай қолади. Уйимизда кексалар, ёш болалар, ҳомилдорлар истиқомат қилади. Улар юқори қаватларга чиқиб тушишга қийналади. Мурожаат қилайлик десак, ҳалигача уй-жой

мулкдорлари ширкати тузилмаган. Кимга шикоят қилсак, «кутинг, уста юборамиз», деб ваъда беради. Бир неча бор Самарқанд шаҳар ҳокимлигига ва шаҳар уй-жой коммунал хизмат кўрсатиш бўлимига кўнғироқ қилгач, муаммо бартараф этилди. Баъзида кўчадан уста ёллашга мажбур бўламиз. Бирок бу жуда хавфли. Чунки, улар мутахассис бўлмаганлиги сабабли бирор жойини нотўғри қилиб қўйса, қўйиб қолиши мумкин. Бу эса яна сарсонгарчиликка олиб келади.

Лифтларга техник хизмат кўрсатиш лицензияланган хизмат турларидан ҳисобланади. Негаки, туртада одамларнинг хавфсизлиги масаласи турибди.

Бошқарма мутахассислари томонидан мазкур ҳолатлар ўрганилганда, шартномада кўрсатилган маблағлар лифтларни ўрнатган корхоналарга ўтказиб берилган бўлса-да, уларнинг лифт ускуналарини тўлиқ ўрнатмаганлиги аниқланди. Жумладан, Самарқанд шаҳридаги ўнлаб кўп қаватли уй-жойларга «Sam Lift Montaj» МЧЖ, «Samarqand Euro Asia Lift» МЧЖ томонидан лифт ускуналари ўрнатилган бўлса-да, уларда техник носозликлар учраб турибди. Мазкур корхоналар раҳбарлари бир неча бор ёзма ва оғзаки огоҳлантирилишга қарамадан, ускуналардаги носозликлар барта-раф этилмаган қолмоқда.

Хуллас, янги қурилатган уй-жойларга мустақкам лифтлар ўрнатилмаса, аҳоли қийналиши турган гап. Қурувчиларимиз замонавий қурилишнинг мана шу жиҳатига алоҳида эътибор қаратишма бўлмайди. Лифт ускуналарини эса махсус сертификат ва мутахассисларга эга корхона ва ташкилотлар томонидан ўрнатилиши мақсадга мувофиқ.

Дилмурод ТЎХТАЕВ.



Бу ёстон сахнида...



“Митти юлдуз”дан таралган ёғду XX аср охири ва XXI аср бошларида бутун куч-қудратини намойиш этди. Шу боис ўзбек адабиётшунослари Абдулла Орипов ижодига алоҳида эътибор қаратди.

««« Абдулла Орипов таваллудининг 80 йиллиги олдида »»»»



Адабиётшунос олим Матёқуб Қўшжонов таъкидлаганидек, ҳаётнинг ўткир қирралари ҳақида ўйлаш Абдулла Ориповни фалсафий шоир даражасига...

ЎЗБЕКНИНГ СУРАТИ

кўтарди. Зотан адабиётнинг, жумладан, шеърятнинг қудрати ҳам шунда. Бедил, Навоий сингари улуг сиймоларнинг шеъряти ҳам уларда акс эттирилган фалсафий тафаккурга боғлиқ!

Унутма сен асло уларнинг ғамин, Беэга қолмасин токи икковлон, Курашгил, ҳамиша тинч бўлсин замин, Курашгил, доимо соф бўлсин осмон. Шоирнинг лирик қахрамони ўз ҳаёти ва ижтимоий ҳаёт сабоқларидан тўғри хулоса чиқара олган образ сифатида гавдаланади.

уни комил кўрмоқ истади. Одамга эса адоқсиз нуқсон у иллатлар ҳослиги шоир руҳиятини қиймалайди. Образларнинг теран халқчил томирларга эғлиги Абдулла Ориф шеърятини миллат руҳининг сувратларига айлантирди.

Не эллар Темурга бўлай деб ёндош, Қўлига обдаста олиб югурган. Кўхна шажарани чуватсанг агар, Учи бориб етгай Одам Атога. Ўзбек унвонингдан тонма, биродар, Таяниб кимлардир қилган хатога.



М.ДАВРОНОВА, Самарқанд давлат университети доценти.

Мустақиллик йиллари Самарқандда

1994 йил, октябрь

10 октябрь куни вилоят ҳокимининг фармойишига кўра, Марди Нуриддинов бошқа ишга ўтганлиги муносабати билан Кат-тақўрғон тумани ҳокими лавозимидан озод этилди.

Самарқанд давлат университети профессори Н.Ражабов Мирзо Улуғбек таваллудининг 600 йиллигига бағишлаб “Буюк аждодларимизнинг улуг беги” номли рисоласини чоп этди.

600 йиллик юбилей арафасида Жомбой тумани марказида Мирзо Улуғбек боғи барпо этилди.

Фрациялик санъатшунос Фредерик Боппертиз-Бресанд хоним Мирзо Улуғбек таваллудининг 600 йиллиги муносабати билан Ўзбекистон Фанлар академияси археология институти олимлари билан биргаликда “Улуғбек – астрономия султони” китобини нашр эттирди.

Бутунжаҳон туризм ташкилоти бош котиби Хуан Антонио Савиньяно Улуғбек таваллудининг 600 йиллиги муносабати билан “Буюк ипак йўли” халқаро туризм бўйича Самарқанд декларацияси имзоланди.

14 октябрь куни Ҳамид Олимжон номидидаги ўзбек давлат мусика ва драма театрида Улуғбек ҳаёти ва ижодига аталган бағишлов томошаси ўтказилди.

15 октябрь куни Регистонда 8 минг кишига ош берилди ва вилоят ҳокимиятида Мирзо Улуғбекнинг 600 йиллик юбилейига бағишланган халқаро илмий конференция Ўзбекистон Фанлар академияси президенти вазифасини бажарувчи Ж.Абдуллаев томонидан очилди. Шундан сўнг АҚШ, Франция, Россия Федерацияси, Украина, Тожикистон, Ўзбекистон олимлари томонидан илмий маърузалар ўқилди.

Улуғбек расадхонасининг таъмирдан кейинги очилиш маросими ўтказилди.

Самарқандда Ўзбекистон Республикаси Президенти Ислоҳ Каримов ташриф буюрди ва Улуғбек расадхонаси, Амир Темур мақбарасида амалга оширилган ишлар билан танишди.

Шоҳ ва исёнчи

Кунларнинг бирида Ҳинд шоҳининг қулоғига салтанатда исён кўтаришга тайёргарлик кўрилаётгани тўғрисидаги хабар келди. У исёнчиларни аниқлаш учун қўл остидаги энг яхши айғоқчиларини сарой яқинидаги дурадгорлар йиғиладиган қовоқхоналарнинг бирига юборди.

Бу жойга ҳар куни кечқурун маҳаллий дурадгорлар овқатланиш учун келар экан. Айнан шу жойда давлатдаги тартибсизликлар тўғрисида гап-сўзлар бўлиб турар экан. Бошқа ҳамкасблари қатори бу ерга шоҳ саройининг тўғрисида яшайдиган бир дурадгор ҳам келарди. Қовоқхонага кириб, у “биз қийналиб, қора чақага ишлаб юрган пайтимизда, бугун эрталаб соат саккизда шоҳ яна болохона айвонига чиқди, унга хотини ҳар кунгидек узум едириб қўйди”, деб айтибди. Айғоқчилар бу гапларни эшитиб, дарҳол саройга қайтишибди. Саҳарда дурадгорнинг эшиги

тақиллади. Эшикни очиб, дарвоза олдида сарой мунажжимларини кўриб, ҳайратланди ва сўради: - Ким керак сизларга? - Сиз, шоҳим, - жавоб берди бир мунажжим. - Шоҳим? Сарой мулозимининг бу мурожаатидан қапаги учган дурадгор уларга қараб деди: - Сизлар адашасизлар, мен оддий дурадгор бўлсам, ишга боришим керак, мен... мен... Мунажжимлар эса бошини эгиб турар экан, бири унга қараб деди: - Раммол йили ҳисоби бўйича юлдузлар сизни янги шоҳ

сифатида кўрсатди. Шу сабабли сиз таомилга кўра, давлат ҳукмдорининг вазифаларини бажаришга киришишингиз лозим. Аввалига дурадгор иккиланди, кейин эса мамнуният билан рози бўлди ва саройга кўчиб ўтди. Уни ярим кеча, соат иккида уйғотишди. Янги сайланган шоҳ дастлаб нима бўлаётганини илғамди. Хизматкорлар бутун мамлакатга муваффақиятли кун бўлиши учун тонгги ибодатни шоҳнинг ўзи ибодатхонада туриб ўтказиши кераклигини ўқтиришди. Ибодатдан сўнг уни ҳарбий машқ қилиш залига ўтказиб, саройнинг энг яхши курашчилари бир неча соат давомида савалашди. Кейин эса ақл-идрок билан ўйлаб, ўндан ортик кишиларни ўлим жазосига ҳукм этиш тўғрисидаги ҳужжатга бармоқ босиши кераклигини айтишди. Соат саккизда уни нонушта қилиши учун қўйиб юборишди. Гандираклар болохона айвонига чиқиб, энди керилмоқчи бўлиб турганида подшонинг хотини яқин келиб, бир дона узумни унга еди-

риб қўйди. Шоҳ хурсанд бўлиб: “Нонушта вақти келдими?”, деб сўради. “Ана шу сизнинг нонуштангиз эди шоҳим”, деди шоҳбону. “Шоҳ зоҳид бўлиши керак, ҳақиқий ишлар ҳали олдинда”. Айвонда туриб шоҳ ўйланиб қолди ва тўғрида турган ўз уйининг туйнукчасига кўзи тушди ва ҳамма нарсани англаб етди. Худди шу пайт мунажжимлар етиб келди ва унга юлдузлар айланши ҳолати ўзгариб, унинг шоҳлик қилиш даври ўтганини айтишди. Бошидан тожни олиб, уни саройдан кузатиб қўйишди. Кечқурун дурадгор ўзининг қовоқхонасига келиб, энди овқатланмоқчи бўлиб турган экан, кимдир бугун шоҳ ўзининг айвонига узумдан тўйиб еганлиги ҳақида гапириши бошлабди. У жойидан туриб, бақириб юборибди: “Бу шоҳни танқид қилишингизга йўл қўймайман!”. Шоҳларга осон деб ўйламанг, деганлари шу бўлса керак-да.

Баҳора МУҲАММАДИЕВА тайёрлади.

««« Кичик ҳикоя »»»»

Она ўғлини таний олмаслигини тасаввур ҳам қилмаганди. Агар исмини айтмаганда қаршисидаги кўнғир сочлар ўрнига тепакал ва юзини ажин босган кимсани бегона деб ўйлаши аниқ эди. Фақат овози ва кўзлари ўзгармабди ўғлининг, ўша-ўша.

Сўнгги ташриф

Катта ўғлининг мансабини суиистеъмол қилиб, қамалганини эшитган она қачонлардир гавжум бўлган ҳовлида ёлғиз ўзи яшарди. Ичкилик касри йигирма йилча олдин уй соҳибининг бошига етган, бева қолган онанинг тинимсиз жаврашидан юракда икки ўғил ва бир қизнинг қадами бирин-кетин узилган ҳайхотдек ҳовли қишлоққа тарқалган янги гапдан бир кун ўтиб бутунлай ҳувиллаб қолди. Нохуш хабардан қон босими ошиб, ҳушини йўқотган аёлни эртасига

пайқаган кўшчилар касалхонага жўнатиб, жонини сақлаб қолишганди. Хайрият қариялар уйи бор экан. Оёқдан қолган кампир ўшандан буён шу соқин гўшада кўним топган. - Ҳовлини номимга хатлаб берсангиз, сизни қишлоққа олиб бораман, - деди ўғли гапни чўзмай. - Бирга яшаймиз. Худди шу гапни икки-уч йил олдин келган қизи ҳам айтиб, қандайдир қоғозларга қўл қўйиб қолди. Нохуш хабардан қон босими ошиб, ҳушини йўқотган аёлни эртасига

Хуршид НУРУЛЛАЕВ.



“Самарқандга келинг” учлиги

Нуриддин Калонов. Рангтасвирда қуроқ усулида ишланган. Суратлар “Ҳосил йиғими”, “Меҳмонларга совға” ҳамда “Байрам” деб номланади. 2020 йилда чизилган. Самарқанд туризм шаҳри бўлганлиги учун асосан сайёҳларни миллий қадриятларимиз, аъналаримиз, серкуёш диёримизда пишган тотли меваларимиз ўзига тортади. Шу билан бирга композициясида сайёҳлар томонидан кўп харид қилинадиган, уларни қизиқтирадиган миллий ҳунармандчилик маҳсулотларимиз, сувенирлар ҳам акс эттирилган. Ҳосил йиғимида мевалар билан бирга уларни териб олиш жараёни, елкасида сават кўтарган хотин-қизлар тасвирланган бўлса, меҳмонларга совға суратида миллий бош кийим - дўппи, қулоччилик намуналари ўз аксини топган. Байрам композициясида миллий ўйинларимиз, тўйлар, халқ сайиллари, бозордаги томошалар тасвирланган. Барча суратларда тарихий обидаларимизнинг тасвирини кўриш мумкин. Рассом суратларни чизишда мураккаб услубдан фойдаланган. Қуроқ йўналишида тасвирланган мазкур ижодий асар йиллар давомида яратилгани билан ҳам аҳамиятли.

Шайтон ва инсон

Не иш қилсак биз доим, Шайтон қилган, - деймизда. Ҳаром-ҳариш лўқмани, Ҳалол-ку, - деб еймиз-да!

Биз қилган кўп ишларни, Шайтон билмай қолар-ов. Кейин сезиб айтади: - Манов одам уллар-ов!

Барибир ул гуноҳкор, Бизларни йўлдан урган. Елкага миниб олиб, Ичимизга ин қурган.

Иблис - қиёматгача, Бизга бермайди омон. Бўйинига қўёлмасдан, Ўзимиз ҳамон сарсон.

Нуриддин ЯҲЁ, Иштихон тумани.

Ғунча

«Барг остидан мулоим боққан ибони ғунча» Таққосласам ёримга, сенга ўхшайди ғунча.

Сен каби у гулгун юз, чиройи бор бир олам, Ишқим баён айламас, бағрин қилар тугунча.

Ҳар он уни кўрганда бурро тилим бўлар лол, Нафасим ичга тушар, мен севаман мажнунча.

Бир куни журъат қилиб, севдим у ёндим, десам, Деди: Сизнинг севгингиз то васлимга етгунча.

Сендан ясаб гулдаста кел, эй, лолагун ғунча, Нигоримга элтайин, сўлмай тургин бугунча.

Ишқингда ёнганидек, булбул бўлиб мен унга, Сизни севаман десам, севаман то ўлгунча.

О, севгининг торлари, нақадар жозибали, Куйдириб, қулдиради - турсин дунё тургунча.

Баҳриддин ҲАМРОҚУЛОВ.

Барг остидан мулоим боққан ибони ғунча. Э.Воҳидов

Ҳаёт сабоқлари Фардлар

Тузалмас хатодир вақтнинг уволи, Бўш ўтган ҳар онинг умринг заволи. Ақли ҳам бўйидек бўлгандаку-я, Эшакка эргашиб юрмасди туя. Китоб йиғиш хоббиси, иши, Лек ўқишга йўқдир хоҳиши. Ер аслида юналоқдир биламиз, Лекин, Ерни текис ҳолда кўрамыз. Осмонга етди-ю Улуғбек қўли, Самога очилди башарнинг йўли.

Илму фаннинг поёни йўқ, Қанча билсанг зиёни йўқ. Ноурин ҳар гапинг жонингга қопқон, Сукутда туришинг умрингга қалқон. Яхшига яхшилар кафил бўлади, Ёмонга кафиллар кофир бўлади. Йўлингни ёритар донолар банди, Ёмоннинг йўриғи оёққа панди. Хуш кўргани пул бўлди, Нафси тоби-қул бўлди. Бурнингни тиксанг гар билмаган ишга. Бало-ю офатлар ёғилар бошга. Кимнинг-ки, ёвузлик эрур шеваси, Заҳар-заққум бўлар тақдир меваси. Солижон ХУДОЁРОВ.

Тўртликлар

Бир танишим эрта-кеч ёнбошлар, Оғриб, ерга ёпишмаси ён бошлар. Танбаликдан ишинг кўзини ўйиб, Вақтим йўқ, деб яна нолиб, кўз ёшлар.

Тиндим ёшликнинг жўшқин булоғи, Чашма ости тиник, кўринар тошлар. Оғирлашиб қолмиш гардун қулоғи, Хаёлга ғарқ кўрдим - эгилган бошлар.

«Жон» деб гапирса ошнам, мен унга жон берибман, Жон дўстим бор, дея мен мағрур кўқрак керибман, Иши биттач, бурилди-кетди, ҳолим сўрамас, Сувга теккан қанд каби ширин сўзга эрибман.

Вақт ҳеч кимни аямас асло, У - дўстингмас, гуноҳинг ўтмас, Аллоҳ ўлчаб берган ризқ-аёло, Санаб берган кун битса - қутмас. Ҳамида КАРИМОВА.

Эзгу ниятларим

Эрта тонг уйғониб самога боқсам, Фалақдан бир юлдуз қулиб боқарди. Хаёл денгизига ғарқ бўлиб боқсам - Эзгу ниятларим қанот қоқарди...

Заковатли халқдир азалдан ўзбек, Навоийдек буюк даҳолар берган. Самога термулиб Мирзо Улуғбек - «Зижи Кўрагоний» жадвалин тузган.

Шу озод Ватанда яшамоқ шараф, Бундан ортиқ бахт йўқ сизу биз учун. Баъзи эллар яшар тарофма-тароф - Террор вавосига сарф этиб кучин.

Дунёда ҳеч нарса абадий эмас, Доимий бўлмамай мансаб, шон-шўхрат. Яхшилик қилмоқлик қўлнингдан келмас, Илтимос, ёмонлик ҳам қилма фақат! Нўъмонхон ўғли МЕЛИКХОН.

ШУ ОЙДА ТАВАЛЛУД ТОПГАНЛАР

5 февраль Душан ФАЙЗИЙ (1926-2009) Қизилтепа туманида туғилган. Шоир, драматург, Ўзбекистонда хизмат кўрсатган санъат арбоби. Неъмат ТУРНИЁЗОВ - 1940 йилда Пахтачи туманида туғилган. Филология фанлари доктори. Комил ОҚИЛОВ - 1928 йилда Самарқанд туманида туғилган. Тарихчи олим, Ўзбекистонда хизмат кўрсатган фан арбоби.

Footer containing contact information for Zarafshon newspaper, including phone numbers, addresses, and ISSN details.